

Autor Robert Reeberg: Cuenta “Capa Blou” ta un version crioyo di “Capa Cora”

ORANJESTAD – Sr. Robert Reeberg kende ta un docente di enseñansa special a publica su reciente buki pa mucha, esta “Capa Blou”. Esaki ta e di cinco buki cu e autor aki ta publica cu su propio esfuerso y forsa financiero. Mayoria di su bukinan ta ser bendi via scol.

E buki aki cu sr. Reeberg a entrega na e redactor di BON DIA Aruba, sr. Benjamín Romero, ta e version crioyo di e cuenta clasico pa mucha, esta “Capa Cora”. E ta un buki masha atractivo pa lesa y cu ilustracionnan masha yamativo cu e autor mes a pinta.

E autor ta bisa cu el a enfoca su trabou literario poniendo atencion na nos muchanan. E ta haya cu ta importante pa motiva e cultura di lesamento di buki cerca nos muchanan, y pesey el a yega di traha cinco buki cabapa mucha. Nan ta bukinan skirbi na Papiamentu, masha facil y agradabel pa lesa. Ademas nan ta cuentanan cortico pa asina e mucha por motiva su mes pa lesa buki aki for di principio te final.

E autor Robert Reeberg su prome buki pa mucha tabata “Shete den un solo tiro” publica na año 1999. El a bisa cu e cuenta aki cu ta uno originalmente

Aleman, el a rescate for di su memoria, ya cu el a tende di e cuenta aki tempo cu e tabata mucha.

“Esaki tabata un historia cu semper mi a gusta for di mucha”, asina el a bisa durante un entrevista cu BON DIA Aruba. Ta trata di un mucha cu di un solo sla a mata shete musca; y el a bisti un faha cu tabata bisa: “Shete den un solo tiro”. Esaki a haci cu hopi hende tabatin miedo di dje, ya cu loke el a skirbi a ser interpreta di otro manera. E cuenta aki, segun sr. Reeberg, casi a bay perdi; y pesey el a rescate for di olvido.

Otro bukinan di e autor ta:



“Tur Pa Mi”; “E anochi cu Sinterklaas a topa cu Santa Claus”; y “Cant’i Lama” cu ta cuenta combina cu poesia pa mucha. E docente y autor Robert Reeberg ta un persona

polifacetico ya cu el a yega di composa cantica pa mucha tambe. Actualmente e ta trahado riba un buki di 40 historia cortico pa lesado di 12 pa 17 año. □